

AFGANISTANEN AURKAKO ERASOA

LABURRĒAN

AFGANISTAN

Talibanek mendebaldeko zortzi giza laguntzaileak askatu dituztela zabaldu du Alemaniako prentsak

Talibanek preso zituzten Shelter Now giza laguntza taldeko zortzi ideak askatu zituztela jakinarazi zioten atzo Alemaniako Gobernuari nazioarteko hainbat inteligentzia agentziek, *Frankfurter Rundschau* egunkariak zabalduko albistearen arabera. Kristautasuna zabaltea leporaturik epaiketaren zain ziren bi estatubatuar, bi australiar eta lau alemaniarrek Kandahartik Kabulerako bidean ziren atzo, egunkariaren arabera.

EGIPTO

Kairoko aireportua itxi dute, antrax susmoa sortu duten 50 fardel aurkitu ondoren

Larrialdi egoera ezarri zuten atzo Kairoko nazioarteko aireportuan Washingtondik Egiptoko hiriburuan Estatu Batuek duten enbaxadara igorritako 50 fardelatan hauts zuria aurkitu ondoren. Enbaxadako langileek egin zuten aurkikuntza Holandako hegazkin batean eramandako posta diplomatikoaren artean. Egiptoko Osasun Ministerioko laborategietara eramane zituzten fardelak aztertzeraz.

ERRESUMA BATUA

Herritar bat atxilotu dute irailaren 11ko erasoekin zerikusia duelakoan

Erresuma Batuko herritar bat atxilotu zuten atzo Londresen EEBBen aurka irailean izaniko erasoekin lotura izatea leporatuta. Atxiloteta EEBBetako FBIren eskaerari erantzunez egin zuela eman zuen aditzera Erresuma Batuko Poliziak. Erasoekin us-tez loturik preso sartzen duten lehen britainiarra da, beste bederatzi lagun Erresuma Batuan preso badira ere.

Martin Beck | BERLIN

SPD Alderdi Sozialdemokratik eta Berdeek osaturiko gobernu lehertzeko zorian da, Alemaniako soldaduak terrorismoaren kontrako koalizioa deiturikoan parte hartzeko erabakia dela eta.

Tropak bidaltzeko dekretuarekin batera ostiralean bozkatzeko konfiantza mozioa aurkezte erabaki zuen herenegun Gerhard Schroeder kantzilerrak. Neurri horrekin gerra koalizioaren eta bere politikaren aldeko bozketa lotu nahi izan du, koalizio gobernuaren bozek gehiengo emango diotelakoan. Gehiengorik eskuratzen ez badu, baliteke hauteskundeak deitzea.

Joan den asteko ostegunean 3.900 soldadu Afganistango gerrara bidaltzea erabaki zuen sozialdemokratek eta berdeek osaturiko gobernu federalak. Mota horretako parte-hartze batek Legebiltzarraren onespere

Larrialdi gorri-berdea

KRISIA ALEMANIAKO GOBERNUAN. Gerran parte hartzeko erabakiagatik, gehiengo gal dezake Schroeder kantzilerrak

na behar du Alemanian. Garaia heldua zen Legebiltzarrak Estatu Batuei adierazitako «elkartasun mugagabea» egikaritzeko, kantzilerrak joan den astean esan zuenez. «Eman nahi dugun laguntza Alemaniaren erantzukizuna ekintza bilakatzeko erabakitasunaren adierazgarri da», esan zuen. Erasoan parte hartzeko erabakia «batasun handiz» hartzekoa zela iradoki nahi izan zuen kantzilerrak.

Bere alderdian, berdeen artean bezala, ordezkari guztiak

Alemaniako soldaduak bidaltzearen alde ez zeudela adierazi zuen zeharka Schroederrek hitzon bitartez. Asteburuan esan zuten Berdeak alderdiko zortzi legebiltzarkidek ezezko boza emango zutela, Afganistanen kontrako bonbardaketak «terrorismoaren aurkako borroka-ekin» zerikusirik ez zuelako. Gobernuak oposizioak baino 16 boto gehiago besterik ez duenez, gerraren aurka diren zortzi berdeek Gobernu desegitea eragin dezakete.

Duela sei aste koalizioaren amaiera iragarri zuen SPDk, berdeek Alemaniako Armadak «terrorismoaren aurkako borrokan» parte hartzeari uko eginenez gero. Astearte arte SPDk erabakitakoa bigundu nahi zuela ematen bazuen ere, iragarpena bere horretan zela azpimarratu zuen asteartean Schroederrek.

Ezezkoa, orain, oposizioak

Konfiantza mozioarekin presioa gogortu diete SPD eta Berdeak alderdiaren barnean gerraren kontra daudenei. Armadaren parte-hartzea gogotsu bultzatu duten CDU Batasun Demokrata Kristauak eta CSU Batasun Sozial Kristauak zein FDP Alemaniako Alderdi Liberalak jadanik adierazi dute baldintza berrietan dekretuaren aurka bozkatuko dutela. «Hondoratzen ari den gobernu bat irauten laguntzea ez da gure betekizuna», esan zuen FDPko Guido Westerwellek.



ALEXANDER NEMENOV / EPA

KANTZILERRAREN ORDAGOA. Gerhard Schroeder, 3.900 soldadu bidaltzeko erabakia aurkeztu zuenean. Onarpene konfiantza mozioarekin bozkatzea ebatzi zuen.



MARCEL METTELSIEFEN / EPA

NOIZ ARTE MINISTRO? Joschka Fischer Alemaniako Atzerri Ministerioaren arduraduna.

Kantzilerraren presioak

Martin Beck | BERLIN

«Terrorismoaren aurkako» politikan gerraren aurkariet eta eszeptikoei diziplina ezartzeko

presio modurik gogorrena erabili zuen asteartean Gerhard Schroederrek.

Gerran parte hartzeko dekretuak oposizioaren laguntza izatea eta, horren bidez, koalizioa bizirik irautea espero bazen ere, galdua da, egun, aukera hori. Tropak bidaltzeari ezetza emateak koalizio gobernuaren amaiera ekarriko du, automatikoki.

Presio neurriak arrakasta izan zezakeela ikusi zen herenegun. Astelehenean SPDko ordezkari askok ezetza berretsi bazuten ere, hurrengo egunean txalo artean hartu zuten kantzilerra eta konfiantza mozioan bere alde —zein tropak bidaltzearen alde— bozkatuko zutela ziurtatu zioten.

«Elkartasun kritikoa, men egin beharrean», honela deskribatu zuen berdeen zuzendaritzak alderdiaren jarrera. Horren bidez, Schroederren politikatik aldendu nahi izan zuten berdeek, beren ordezkariet «terrorismoaren kontrako koalizioan» Alemaniako soldaduak bidaltzearen alde bozkatzeko animatzen zuten bitartean. Neurriaren aurka dagoen alderdiko baseari atsegin emateko kritika egin zion Estatu Batuetako gerra kanpainari alderdiko buruzagitzak. Horrez gain, Alemaniako Armadak Al Qaeda erakundearen aurkako eraso «zehatzak» besterik ez zituela egingo ziurtatu zuten.

Gerraren aurkako zortzi berdeek ostiralean zer bozkatuko

duten ez dago argi. «Erabaki historikoa hartu behar dugu», esan zuen legebiltzarkideotako batek. «Ez dugu guri presioa egitea amestutuko», adierazi zuen Winfried Hermann berdeak kantzilerraren erabakia jakinarazi eta gutxira. Koalizio gobernu zalantzan jarri nahi ez zuela gaineratu zuen, halere.

Erabaki zaila dute aurrean berdeek. Alderdia banatuta dago gerraren inguruan. Basea EEBBen erasoaren aurkakoa da, eta alderdiaren zuzendaritzak Joschka Fischer Atzerri ministroaren jarrera sostengatzen du. Berde askok uste dutenez, koalizioa hautsi eta hauteskundeak deituz gero, baliteke alderdia bera jokoan izatea.

Oñatiko Udala
IRAGARKIA
2001eko urriaren 25eko Udal Plenoaren erabakiz, ondorengo kontratazioa onartu zen:

- Etxez etxeko zerbitzurako laguntzaile zerbitzuak errentan ematea lehiaketara ateratzea (ordu prezioaren gehiengo 1.950 pza eta urteko ordu kopurua 19.000)
- Baldintza Plegua: 2001eko azaroaren 13ko Gipuzkoako Aldizkari Ofizialean argitaratu da (217 zkia)
- Baldintza Plegua: Udal Bulego Orokorretan goizeko 11etatik 14:00etara jaso ahal izango da.
- Eskaintzak aurkezteko azkenengo eguna: abenduaren 10a.

Oñatin, 2001eko azaroaren 13an.
ALKATEAK.

Oñatiko Udala
IRAGARKIA
2001eko irailaren 27ko Udal Plenoaren erabakiz, ondorengo kontratazioa onartu zen:

- Oñatiko Jubilatuen Elkartearen eraberritu eta haunditzeko proiektuaren lanak lehiaketara ateratzea (aurrekontua 46.407.431 pza)
- Baldintza Plegua: 2001eko azaroaren 13ko Gipuzkoako Aldizkari Ofizialean argitaratu da (217 zkia)
- Baldintza Plegua eta Proiektua: Udal Bulego Orokorretan goizeko 11etatik 14:00etara jaso ahal izango da.
- Eskaintzak aurkezteko azkenengo eguna: abenduaren 10a.

Oñatin, 2001eko azaroaren 13an.
ALKATEAK.